

Sinar Harian 14/10/2018 ms 5

## Serius tangani pencerobohan asing



**Tze Tzin berinteraksi dengan pekerja yang sibuk mengkelaskan ikan di Pelabuhan LKIM Tok Bali.**

DI PASIR Puteh, Tze Tzin memberitahu, lima kementerian akan digembeleng bagi mengatasi masalah pencerobohan nelayan asing yang sudah lama berlarutan.

Beliau berkata, kementerian terbabit adalah Kementerian Pertanian dan Industri Asas Tani, Kementerian Dalam.Negeri, Kementerian Luar Negara, Kementerian Pengangkutan dan Kementerian Pertahanan.

Katanya, jawatankuasa dibentuk bagi membolehkan kementerian terlibat memainkan peranan masing-masing di dalam negara dan di peringkat antarabangsa.

"Masalah pencerobohan nelayan asing ini sangat serius, kita selesaikan bagi memastikan hasil laut negara tidak 'dirompak'.

"Hasil laut kita untuk bekalan rakyat kita, ia tidak akan cukup sekiranya terus dikaut nelayan asing," katanya ketika melawat Pelabuhan LKIM Tok Bali.

Bagaimanapun katanya, masalah itu mustahil dapat diatasi dalam waktu singkat.

"Isu ini akan dibangkitkan di peringkat antarabangsa selain berbincang dengan negara berkaitan," katanya.

Sementara itu katanya, kerajaan juga akan membantu mengatasi masalah bekalan ais di Pelabuhan LKIM Tok Bali.

Menurutnya, kilang ais akan dibina dalam kawasan pelabuhan bagi memastikan pengusaha bot laut dalam mendapat bekalan ais secukupnya.